

25307

Med.



Membr. 25. 307

.5111.

GEORGII ERNESTI STAHL,  
D. PROF. PUBL. ORDIN. h. t. FACULT.  
DECANI,

*PROPEMPTICON INAUGURALE*

**QUIS BONUS THEORE-  
TICUS, MALUS PRACTICUS.**



987.





## *Illæ Artes, quæ manuum im-*

mediato adminiculo perpetrantur, adeoque agilitatem versatilem harum requirunt, ex solâ speculatione ad perfectam habilitatem perdisce non possunt; sed longo & multiplici exercitio opus habent, neminem quidem ejus rei admiratione tactum iri, certo confidimus. Si verò talis *Ars* detur, quæ actus

suo: per organa *emissicia* perficere possit, neque illorum aliam *directionem* adhibere necesse habeat, nisi solam *opportunitatem* temporis, & *proportionem* mensuræ; & potissimam suam partem, consistat in *selectu* tantum *judicioso* potius, quàm ullâ *applicationis* difficultate: Ea cur speculatione, *intellectu*, inquam, & *memoria*, tota hauriri & comprehendere non possit, cuiuslibet mirum fore, non dubitamus. Est verò hujus generis *Ars*, ipsa *Medicina*. Nuspiam utitur hæc *manibus*, nisi in sola *Chirurgia* instrumentali, à quâ proinde hic tantisper abstrahimus. In *pulsus* exploratione, longè plus *judicii* quàm *enchiriseos* requiri, nemo ambiget. Deprehendit verò *subjectum* suum, partes affectas, vel *sensu* satis crasso, vel *judicio*; *speciem* læsionis, partim *sensu* etiam parum subtili, maximam partem verò *judicio*: *Modum* etiam corrigendi assequitur vel solo magis *judicio*, vel sola magis *memoria*, in *exprimentis*, vel utrisque: *Modum* adhibendi, ratione temporis morbi, ratione *doscos*, ratione *regiminis* conjungendi, ratione mutua *subordinationis* diversorum Medicamentorum, exsequitur undique, partim *memoria*, secundum experientiam, partim *judicio*. Hæc omnia cur non *mente* & *intellectu* comprehendendi, *memoria* retineri, ex eadem depromi, & quolibet tempore in effectum deduci valeant, nemo ullam difficultatis rationem perspexerit, Sed *optimi Theoretici*, sunt *pesimi Practici*. Est *Vir* profundè doctus, Es ist *Gehad* um den *Mann*/ hat trefflich wohl studiret/ hatt aber kein Glück zur *Praxi*: in der *Theorie* läßt sich trefflich hören/ aber in der *Praxi* geht es gar nicht an &c. vox populi, vox Dei. Et profectò verum est; & valet hic, si uspiam: *Interdum* *populus rectum videt*, est ubi peccat. Unde vero hoc malum, non certè *speculativum*, sed *practicum* *experimentale*? Non philosophabor, neque *Rhetoricabor*, sed nudè & planè to-



nè totam rem dicam *Theoria Physica*, nuda & sola, pessundet *Medicinam*, si loco *Medice Theoria* hauriatur. Quid appellem *Theoriam Physicam*, & quomodo ipsam distinguam à *Medica*, quæretur? Dicam. *Physica* tota hodiè in eo est, ut pro fundamentis rerum, agnoscat & consideret *materiam earum, & motum*. In *materia* individualiter, *figuram & magnitudinem*; aggregativè, *situm, porositatem, densitatem, pondus, elasticitatem &c.* Fatetur interim, quod ne quidem *situs* in aggregatione, nedum *magnitudinis, & figura* in individuïs, veram determinationem, ullatenus definire possit. Cum verò *motuum diversitates*, his rebus, tanquam fundamentis nitantur; imò, cum omnes *motus*, non nisi ab uno corpore in alterum *communicari & transmitti*, & concursu perpetuo mutuo, *continuari*, in tota rerum naturâ videamus; est inde, quod, cum habitum ad *motum* ignoremus, etiam *speciem motus à priori* dignoscere minimè valeamus. Uade sanè, non nisi purè à *posteriori*, magis suspicari, & probabiliter supponere, quàm ullo modo *deprehendere, dijudicare, demonstrare*, hic valemus. Fundus verò mali est, quod hanc necessariam à *posteriori*, ab Experimentiâ, subsumptionem, frequentissime fastidit atque negligit nostra ætas, & loco veræ, observationi respondentis, *actualis historię, & ejus debitæ applicationis ad regulas figura & motus*, nihil nisi *probabilitatem hypotheticam* denique efformat, quæ ipso *actu & experienciâ*, non reperitur. Sed absit, ut nos his brevibus profundius committamus. Ad nostram rem hoc dicendum est, quod, dum hodierna *Anthropologia & Anatomia*, magis unicè in scrutinio *structure partium* subsistit; ejusq; *habilitatem passivam ad motus*, omnibus adminiculis spectitat: *motus* verò, ut *activi, directi, destinati, circumstantias à priori, tempus incipiendi, gradum impellendi, proportionem utriusque non solum ad partem immediatè motam; sed & ad huiorem per hanc movendum; mensuram durationis, energiam, constantiam, tenorem, continuationis, &c.* hæc omnia, inquam, dum negligit, quid proinde ad universam historiam de homine, *veri*, nedum, *solidi*, aut *connexi*, percipere, intelligere, deducere possit, in propatulo est. Quis enim y. gr. à *magnitudine*, aut *figura*, particularum e quibus: *dentes* efformantur, aut ex ipsorum *dentium, proportionem, rationem* reddet, cur *dentes anteriores*, intrâ dimidium *primi septenarii* succrescant, ab eo ad dimidium *secundi*, excidant, & alii in ipsorum locum succedant? Quod *fami-*



na, ordinariè ante *sesqui-septenarium* aut *secundi* exitum, non incipiat *parere*; post *septimi* septenarii finem, non pergat? *Vir* verò, vel ad *sesqui-septenarios*, *generare* valeat, si sanus sit, neque tamen & ipse ante *secundi* confinia incipere possit? tantò minus ex ullà ratione *structuræ* innotuerit, cur in gravibus, quos *acutos* dicimus, morbis, *septenarium* dierum, ad *horas*, usque exquisitè, fervent *motus*; ubi profectò non parva erit implicatio, si *Febrem*, absolutè *morbum* dicas, & *motus* illos, ut putam *passionem* corporis consideres. Adscribenda erit illa definita *mensura*, *materie*; quod ex nullo undique fundamento probabile; vel *structuræ*, quod æquæ ac superiora, nullo modo demonstrabile; vel alii *agenti* principio, quod non placet, neque cum *Hypothesibus* conformabile. Centum talia enumerarem, nisi Charta & tempus dissuaderet. Interim, dum hæc in *Physica Theoria* recepta, si non negliguntur, non tamen nisi strictim & *superficialiter* memorantur, ingens profectò *historiæ Anthropologicæ*, & notitiæ *Medicæ* detrimentum accrescit. De exemplum in substratâ materiâ. Adolescens 18. annorum, cætera benè sanus, incipit repentinis *Odontalgis* affici; *Medicus*, ad parentum indulgentiam officiosus, *purgat*, *sudores* injungit, *sopit maturè*; post aliquod tempus, recursant dolores, laxat cum *Epi-crafi*, dat Sanguinem mundificantia, *Catarrhalia*, *sopit* iterum: Non diu post recrudescentes dolores, *sopit* ampliùs, & hoc sæpiùs: repullulantes subinde dolores, spernunt tandem mediocrem quoque *Narcosin*: Svadetur deniq; V. S., adhibetur, sed incassum. Adolescens, non parum contribuentibus *Narcoticis*, fit notabiliter *Hypochondriacus*. Interim *tument* perpetuo extremitates posteriores internæ maxillarum: tandem, post & inter varias medicationes, perrumpunt ultimi *maxillares*, *genuinos & sapientiæ* vocant, dentes; tunc demum longioribus intervallis, neque ferè nisi sub manifestis *Catarrhalibus* accidentibus, redeunt dolores. Vertentibus verò annis quo tempore *Vena secta* fuerat, variis modo *Catarrhalibus*, modò *Spasmodicis*, modò *inflammatoriis* æstuosis, doloribus, exercitus juvenis, non nisi reasumpta V. Sine commodè sublevatur: & ita prompto successu eidem mancipatur. Hic sanè, si Medicus suspicionem talis *dentitionis* habuisset, Emollientibus, Relaxantibus, Nitrosis, Discutientibus Camphoratis, imò si nihil aliud, ipsa patientia, commodissime sublevasset patientem, quoad tandem dentes extrusi fuissent: quem illà intempe-

stivâ



stiva conturbatione, contraria conspersione, & non necessaria V. Snc, incommodissime exagitavit, & in Servitutem V. S., imò variam morbidam dispositionem coniecit.

Sed quid exemplis prolixis opus est. Quis non videt, quod illa notitia *historia*, quæ quidem *numerum, figuram, structuram* partium corporis percenset, sed *habitus* earum ad morbos, & hinc ad *curationem*, non attingit, *Physica* quidem sit, & ad *scientiam* pertineat, non verò *Medica*, ut artificem instruat, *quid & quomodo* juvare debeat. Brevibus repetò quædam. *Structura Maandrorum auris, incudis, mallei, stapetis*, & insignis inventi! *orbicularis osciculi*, si nescirentur, *Physicam* historiam omni modò *mancam* redderent: *Medicinam* non plus impedirent, quàm nives antè decem annos fusæ. *Figura humoris crystallini & vitrei*, imò plura alia in *oculi structura*, si in *Physica* nescirentur, dehonestarent certè notitiam & historiam: *Medicine* quid detrimenti inde accideret? *Intima structura fibrarum muscularium*, distributio per ipsas *nervulorum*, & tenerrimum *vasorum*; tot subtiles *lymphales ductus & vasa*, innumerabiles in *cute glandulæ*, *textura fibrillaris, reticularis*, ejus & aliarum membranarum, in *scientia Physica*, *sciri* debent: in *Medicina* oboli pretium usu non faciunt. Nihil verò impedit *Medicam*, *Theoria Physica sani corporis: Læsi*, seu *Pathologia* purè *Physica*, gravissimè confundit & conturbat. Hæc est illud scandalum, quod vel *impossibilibus*, vel *inanibus*, vel non rarò *ridiculis, indicationibus, intentionibus, inventionibus*, exponit *Medicum*; hæc est, quæ *incertum*, in consilio, *trepidum* in experimento, *infelicem* in effectu, & *Praxi*, reddit *Medicum*. Fundamentum totius mali in eò situm est, quod *Physica* talis *Theoria*, Mechanismi *corporei* unice avida, *Mechanismum* seu potius *Organismum* *MOTUUM*, *tempus, gradum, directionem, finem*, & *energiam* atq; *activitatem* ad peragènda ea, quæ ad corporis *conservationem* pertinent, silentio prætereat; & quia *scientiam* eorum sperare non potest, etiam *notitiam & Historiam*, disimulet. Interim *Medici* primum fundamentum hoc est, quod sciat, *Motibus* omnia in corpore fieri, *motuum & plurimas* esse, & *gravissimas læsiones*, *motibus* in effectum deduci *medicamenta*, *motus* esse restituendos, *per motus* esse sanandum: ad horum *tempora, gradus, directiones, intentiones* seu *finis*, attendendum esse: hos non temerè *impellendos, suppressendos, perturbandos*:



hos efficacissimè alterari *animi moribus*, seu pathematibus, idq; im-  
 mediatè, ne per somnium alterata *parte*: horum, citrà *corporalem*  
 connexionem & communionem partium, esse *consensus*: horum esse  
*consuetudines*: horum esse *hereditarias* dispositiones: horum esse spe-  
 ciales quasi *decubitus* ad diversa loca, secundùm diversitatem *ætatum*.  
 Huic *Theoria*, non modo *historicè* veræ, sed *scientificè* connexæ & co-  
 hærenti, & conspirationem *motuum* ad *conservationem* & *restaurati-*  
*onem* corporis; *emotionem*, *expugnationem*, rerum noxiarum: super-  
 struere suam *methodum*, juxtà eam suggere subsidia seu *remedia* sub-  
 ordinare *tempus* administrationis, potest, imò *debet* Medicus, negle-  
 cta, ut Medicus, *structura*, *textura*, subtilissimæ, Microscopia & Mi-  
 crologiâ. Breviter, *Physica* est illa *Theoria*, quæquidem *veram*, *re-*  
*nerrimam*, *intimam*, *Structuram* partium, & habitum hujus ad earum  
 usum, curiosè, operosè, jucundè, spectat: *Lesionum* quoque modum  
 subtilem *corporalem*, vel verè, vel hypotheticè, scrutatur: interim il-  
 lud in *passionibus*, quod *Medicus Methodo* suâ attingerè possit, & qui-  
 dem veraciter, & consentiente constanti experientiâ, præsentissimè,  
 directè, immediate ita attingere & mutare valeat, hoc, inquam, vel non  
 attingit, vel non secernit, aut ad usum quasi seligit; sed potiùs illa uni-  
 cè spectitando, quæ *Medici* & *Medicamenti* directam correctionem  
 non ferunt, vel *inutilis* est Medico, vel eundem de omni *scientifica*  
*Pathologia* & *Therapia* connexione, desperare cogit, & ad nudas *Em-*  
*pirias*, generalissimas *Therapias*, fallaces, & perbreves *palliationes*, a-  
 digit. Dedi exemplum in Disputatione de *Autocratia Naturæ*, de  
 quolibet *vulnere*; quomodo ejus *Physico-Anatomica* Pathologia ex-  
 quisitissima, ad *curam* instituendam & absolvendam, exquisitissimè  
 supervacua sit: Et possent ejus generis centum specimina facile pro-  
 duci, quorum plurima *nullam*, non pauca *falsam* indicationem seu  
 suspicionem practicam hætenus suppeditarunt: quædam etiam ad te-  
 merarias, non modò alienorum, & *intempestivorum*, sed noxiarum  
*motuum*, provocationes & conturbationes, Practicos hujus turbæ se-  
 duxerunt: Sed sufficiat, digitum intendisse. Hæc est illa *Theoria*,  
 quam suo loco & usui relictam, nullatenus rejicio; utpote *curiositatis*,  
*operositatis*, *Polyhistoris*, damnatarum, non nisi per calumniam infi-  
 mulandus. E. Medico verò foro, sollicitè & vigilantissimè exterminan-  
 dam esse, censeo; & benè cayendum, ne nobis non solum nihil profit,

sed



sed reverà *obst*, dum vel machinamenta *corporea* supervacua persua-  
det, aut *intempestivas* commotiones inducere quasi jubet, quæ *positive*  
*nocent*: aut debitarum, intensiōum *Vitalis motus*, pro ipso morbo im-  
petitè explicatarum, cohibitiones, oppugnationes, inversiones susci-  
pere facit: gravissimo, & irreparabili sæpenumero, damno. *Medi-*  
*cam* verò *Theoriam*, illam dico, duco, commendo, quæ *motus* maximè  
attendat, quomodo iidem modo à *corporalibus* læsionibus, reverà *pas-*  
*sive* turbentur, modò *active*, contrà tales læsiones, intendantur & exa-  
cerbentur; quibus corporis habitibus, seu *temperamentis*, quibus *vita*  
*generibus*, quibus anni *tempestatibus*, quibus *ætatibus*, quibus *conser-*  
*vudinibus*, quibus *progressis* morbis, aut pathematibus, accidant, suc-  
cedant: ad quem *exitum* pervenire *possint* non modò, sed & commu-  
niter *soleant*. Quos *motus* requirat conservatio sanguinis, & per  
hunc, corporis; quos *motus*, *abundantia* ejus, aut suffocet, aut pro-  
vocet: quid sequatur ex his rectè *succedentibus*, quid ex iisdem *non*  
*satis* succedentibus: Quid ex iisdem *intempestive* represis, obnubi-  
latis, consopitis; aut *alieno* tempore exstimulatis, &c. morbi motus,  
quorū solennitū *vergant*? quorū commodiū *ducantur*? quā  
facile *recrudescere*, quā constanter *perennare*, quem *ordinem* serva-  
re, quomodo *interturbationes* tolerare soleant. Qui ita *speculatus*  
fuerit, *Theoriam Medicinam* nanciscetur, *connexionem* scientificam  
inveniet, & *Præcticus* ita certus inde evadet, ut & ipsa *cura*, & perita  
*Prognosi*, ista artis, hæc scientiæ Medicæ, veritatem monstrare & asserere  
possit. Hæc *Theoria*, non speculationibus de *potentiis*, sed experi-  
entiæ de *actu*, superstructa, antiquabit illas exprobrationes, quas supra  
adduximus, quod *bonus Theoreticus*, tamen *malus Præcticus* esse pos-  
sit: Dummodò utique *materia Medica*, & ejus ad has res efficaciam; non  
modò memoriam, sed & exercitatum judiciosum seletum, conjunxe-  
rit. Summa verò, & princeps *Theoriæ Medicæ*, pars, quæ Praxin infeli-  
cem impedire possit, aut neglecta, hanc post se trahat, est *Benedictio-*  
*nis divinæ* imploratio, & grata agnitio bonitatis ejus, in energia medi-  
camentis concessa, elucescentis. Præfari hæc libuit Solenni commen-  
dationi, quam meretur Vir Juvenis Doctissimus.

DN. ANDREAS CHRISTIANUS RHETIUS,

Medicinæ Candidatus dignissimus,

Natus is est Arnstadii, Celsissimorum Comitum Schwarzburgi-  
corum Sede. Patrem habuit Virum Excell. & Experientissimum DN.

JERE-





JEREMIAM RHETIUM, Med. Licent. & Physicum t. t. Arnstadiensem ordinarium. Matrem BARBARAM CATHARINAM, DN. CHRISTIANI GUNTHERI FRICCI, Secretarii Cels. Comitum meritisimi, Filiam, Matronam honestissimam. Orbatus quidem optimo patre, admodum puer; Avum tamen charissimum, cum dilectissimâ Matre, Deo propitio retinuit, à quibus & educatus est, atque ad pietatem virtutemque instructus, & Virorum proborum doctorumque Informationi commissus est, ut ad Studia literarum præpararetur, eorumque principiis imbueretur. Inter quos gratâ mente celebrat Viros Præcellentissimos, DN. M. JOHANNEM FRIDERICUM TREIBER, Rectorem Spectatissimum, & DN. JOHANNEM NICOLAUM FREITAG, Con-Rectorem meritisimum. Horum fide atque curâ, in Disciplinis liberalibus & Philosophicis abundè institutus, tandem anno 1694. Halam nostram ingressus, studioque Medico sese addicens, manu ductione Professorum, studio & industriâ summâ, usus est. Audivit Excell. D. D. HOFFMANNUM in observationes Poterii publicè commentantem? Physica Principia, & productiones atque actiones Corporum Naturalium, Curiosis Experimentis illustrantem: nec non Corpora Humana utriusvis sexus, Anatomicè perscrutantem. Meum latus nunquam deseruit, quoties quidquam audire, videre, perquirere, occasio tulit. Auditor perpetuus in Physiologia, Pathologiâ, Therapiâ, Materiâ Medicâ, Praxi: Tam Cursus quem vocant ordine, quam iterum publicis privatisq; Lectionibus, Commentationibus, Collegiis. Spectator in Anatomiâ publicâ, Zootomiis privatis, Chymico Collegio duplici: Comes in Botanoporiis frequentissimis. Solers, assiduus, industrius, sobrius, modestus: Civis Academiæ nostræ probitate & honestate nemini omnium secundus. His gressibus emensus studiorum stadium, metam attingit. Compræbavit profectus solidos & laudatissimos duplici Examine solenni. Disputatione publicâ Practicâ, de MORBIS HABITUALIBUS, ad huc semel publicè promptitudinem suam demonstrabit. Inde LICENTIAM Honores ac Titulos summos in arte abeundi, Juribusque immunitatibus fruendi, impetrabit. Ad hunc actum solennem, Magnificum Dominum Pro-Rectorem, Excellentissimos Academiæ Proceres, Illustrissimos, Illustres, Generosos, Clarissimos, Hospites Fautores, Cultores, officiosissimè invito. P. P.

Sub sigillo Facultatis d. XIV. Maji, M. DC. XCVIII.

(L.S.)





